



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 29 Zakona o prostornom planiranju i građenju (Službeni glasnik Brčko distrikta BiH, broj 29/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Prijedloga odluke Vlade Brčko distrikta BiH broj predmeta: 22-000055/17, broj akta: 01.11-1161DS-006/17 od 27. 1. 2017. godine, Skupština Brčko distrikta BiH na 7. redovnoj sjednici održanoj 15. marta 2017. godine, donosi

ODLUKU O PRISTUPANJU IZRADI PROSTORNOG PLANA BRČKO DISTRIKTA BiH

Član 1

Pristupa se izradi prostornog plana Brčko distrikta BiH.

Član 2

Prostorni plan Brčko distrikta BiH radić će se za teritorij Brčko distrikta BiH. Granice obuhvata prostornog plana definisane su u grafičkom prilogu koji čini sastavni dio ove odluke. Površina obuhvata prostornog plana iznosi 49.300 hektara.

Član 3

Prostorni plan Brčko distrikta BiH donosi se za period od 10 godina.

Član 4

Smjernice za izradu prostornog plana Brčko distrikta BiH:

Prostornim planom posebno će se utvrditi: osnovna namjena prostora, sistem naselja urbanog i ruralnog karaktera i njihovo povezivanje, kriteriji za širenje urbanih dijelova, namjene vanurbanih područja, opremanje građevinskog zemljišta, zone komunalne infrastrukture, razvoj saobraćajnog sistema, vodosnabdijevanje, energija, telekomunikacije, objekti od značaja za društvenu infrastrukturu kao što su: zdravstvo, školstvo, kultura, sport, područja posebne namjene, način eksploatacije mineralnih sirovina, mjere zaštite graditeljskog i prirodnog naslijeđa, smjernice zaštite životne sredine, mjere sanacije devastiranih područja, bespravna gradnja, klizišta, poplavna područja, mjere zaštite stanovnika i materijalnih dobara od elementarnih i drugih nepogoda, urbanističko-tehnički uslovi za gradnju u područjima za koja se ne donose planovi nižeg reda, obaveze prilikom izrade urbanističkih i provedivih planova.

Član 5

Obavezni elementi prostornog plana Brčko distrikta BiH su:

1. tekstualni dio,
2. grafički dio,
3. odluka o provođenju Prostornog plana Brčko distrikta BiH.

Član 6

Javni uvid i javna rasprava organizovat će se u skladu s odredbama člana 37 Zakona o prostornom planiranju i građenju (Službeni glasnik Brčko distrikta BiH, broj 29/08).

Član 7

Sredstva za izradu prostornog plana Brčko distrikta BiH osigurana su u kapitalnom budžetu za 2016. godinu.

Član 8

Nosilac pripreme za izradu prostornog plana Brčko distrikta BiH je Odjeljenje za prostorno planiranje i imovinskopravne poslove Vlade Brčko distrikta BiH.

Član 9

Postupak izrade i donošenje prostornog plana provest će se u skladu s odredbama članova 29 – 42 Zakona o prostornom planiranju i građenju (Službeni glasnik Brčko distrikta BiH, broj 29/08).

Član 10

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-96/17

Brčko, 15. 3. 2017. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za prostorno planiranje i imovinskopravne poslove
5. Uredu za upravljanje javnom imovinom
6. Direkciji za finansije
7. Sektoru za koordinaciju politika i opće poslove - Odsjeku za opće poslove
8. Arhivi